



大佛頂如來密因修證了義諸菩薩萬行首楞嚴經卷第八

阿難如是衆生一一類中亦各各具十二顛倒

具無具相一切皆空如是了知始可諒道

前示以識妄因此示以除妄本

猶如捏目。亂華發生。顛倒妙圓。真淨明心。具足如斯。虛妄亂想。汝今修證佛三摩提。於是本因。元所亂想。立三漸次。方得除滅。如淨器中。除去毒蜜。以諸湯水。并雜灰香。洗滌其器。後貯甘露。云何名爲三種漸次。一者修習。除其助因。二者

助因者謂五種辛
菜熟食發淫生啖
增恚欲薄貪喚先
伏除之

三種漸次以戒為
體

真修。剗其正性。三者增進。違其現業。

云何助因。阿難。如是世界十二類生。不能自全。依四食住。所謂段食。觸食。思食。識食。是故佛說一切衆生。皆依食住。阿難。一切衆生。食甘故生。食毒故死。是諸衆生。求三摩提。當斷世間五種辛菜。是五種辛。熟食發淫。生啖增恚。如是世界食辛之人。縱能宣說十二部經。十方天仙。嫌其臭穢。咸皆遠離。諸餓鬼等。因彼食次。舐其唇吻。

常與鬼住。福德日銷。長無利益。是食辛人。修三摩地。菩薩天仙。十方善神。不來守護。大力魔王。得其方便。現作佛身。來為說法。非毀禁戒。讚姪。怒癡。命終自為魔王眷屬。受魔福盡。墮無間獄。阿難。修菩提者。未斷五辛。是則名為第一增進修行漸次。

云何正性。阿難。如是衆生。入三摩地。要先嚴持清淨戒律。未斷姪心。不餐酒肉。以火淨食。無啖

清淨戒律即四棄也

生氣阿難。是修行人。若不斷婬。及與殺生。出三界者。無有是處。當觀婬欲。猶如毒蛇。如見怨賊。先持聲聞。四棄八棄。執身不動。後行菩薩清淨律儀。執心不起。禁戒成就。則於世間。永無相生相殺之業。偷劫不行。無相負累。亦於世間。不還宿債。是清淨人。修三摩地。父母肉身。不須天眼。自然觀見十方世界。覩佛聞法。親奉聖旨。得大神通。遊十方界。宿命清淨。得無艱險。是則名爲

第二增進修行漸次。

云何現業阿難。如是清淨持禁戒人。心無貪婬。於外六塵。不多流逸。因不流逸。旋元自歸。塵既不緣。根無所偶。反流全一。六用不行。十方國土。皎然清淨。譬如琉璃。內懸明月。身心快然。妙圓平等。獲大安隱。一切如來密圓淨妙。皆現其中。是人即獲無生法忍。從是漸修。隨所發行。安立聖位。是則名爲第三增進修行漸次。

世界清淨。皎如琉璃。則真空之体现。矣。所謂清淨奢摩他。如鏡現諸像也。

漢界則智圓欲乾
則慧生依慧住持
故名曰地

以初入流並觀真
俗名之曰中二妙
重數為中謂前枯
欲愛但有其慧今
入法流回智入悲
則善提生長故曰
圓妙開敷
能憶習氣名為念
心陰處界三即世
間生處習氣也

前雖憶念習氣未
融此則精明故得
發化

久進涉動失于安
然故須保持

迴佛慈光向于已
身迴已身心向佛
安住已身佛身披
此迴向故如雙鏡

阿難。是善男子。欲愛乾枯。根境不偶。現前殘質。
不復續生。執心虛明。純是智慧。慧性明圓。瑩十
方界。乾有其慧。名乾慧地。

欲習初乾。未與如來法流水接。卽以此心中中
流入圓妙開敷。從真妙圓。重發真妙。妙信常住。
一切妄想滅盡。無餘中道。純真。名信心住。真信
明了。一切圓通。陰處界三。不能為礙。如是乃至
過去未來。無數劫中。捨身受身。一切習氣皆現

在前。是善男子。皆能憶念。得無遺忘。名念心住。
妙圓。純真。真精發化。無始習氣。通一精明。唯以
精明。進趣真淨。名精進心。心精現前。純以智慧。
名慧心住。執持智明。周徧寂湛。寂妙常凝。名定
心住。定光發明。明性深入。唯進無退。名不退心。
心進安然。保持不失。十方如來。氣分交接。名護
法心。覺明保持。能以妙力。迴佛慈光。向佛安住。
猶如雙鏡。光明相對。其中妙影。重重相入。名迴

凝者妙淨無為。體也。安住無違。名曰戒心。

十種妙心。圓成。為一。故得安住。名發心住。

以前妙心之理。履而成地。安住其中。名治地。以心住境。以境住心。心境無奪。故得明了。

自發心至生貴名。入聖胎。自方便。具足。至童真。名長養。聖胎至此。長養功。終。故喻出。出胎。王子。

有成聖之功。故以灌頂喻之。

如來不為波旬邪說。不以錯路教人。

向心。心光密迴。獲佛常凝。無上妙淨。安住無為。得無遺失。名戒心住。住戒自在。能遊十方。所去隨願。名願心住。

阿難。是善男子。以真方便。發此十心。心精發暉。十用涉入。圓成一心。名發心住。心中發明。如淨琉璃。內現精金。以前妙心。履以成地。名治地住。心地涉知。俱得明了。遊履十方。得無留礙。名修行住。行與佛同。受佛氣分。如中陰身。自求父母。

陰信冥通。入如來種。名生貴住。既遊道胎。親奉覺胤。如胎已成。人相不缺。名方便具足住。容貌如佛。心相亦同。名正心住。身心合成。日益增長。名不退住。十身靈相。一時具足。名童真住。形成出胎。親為佛子。名法王子住。表以成人。如國大王。以諸國事。分委太子。彼刹利王世子長成。陳列灌頂。名灌頂住。

阿難。是善男子。成佛子已。具足無量。如來妙德。

饒益即戒度戒無
惱害能饒益故

由無違逆故無嗔
恨無盡行名無屈
撓

即禪度禪能止散
故離癡亂

善現即慧度理能
顯事名同中現異
事能顯理名異相
現同

即力度圓融軌則
即善法故

即智度無漏無為
皆實智故

回真向俗回智向
悲真俗圓融是名
回向

此以即相離相為
向兼由即故當度
衆生由離故滅除
度相

十方隨順名歡喜行。善能利益一切衆生。名饒
益行。自覺覺他得無違拒。名無瞋恨行。種類出
生窮未來際。三世平等。十方通達。名無盡行。一
切合同。種種法門。得無差誤。名離癡亂行。則於
同中顯現羣異。一一異相。各各見同。名善現行。
如是乃至十方虛空。滿足微塵。一一塵中。現十
方界。現塵現界。不相留礙。名無著行。種種現前。
咸是第一波羅蜜多。名尊重行。如是圓融。能成

十方諸佛軌則名善法行。一一皆是清淨無漏
一真無為。性本然故。名真實行。
阿難。是善男子。滿足神通。成佛事已。純潔精真。
遠諸留患。當度衆生。滅諸度相。迴無為心。向涅
槃路。名救護一切衆生。離衆生相。迴向。壞其可
壞。遠離諸離。名不壞迴向。本覺湛然。覺齊佛覺。
名等一切佛迴向。精真發明。地如佛地。名至一
切處迴向。世界如來。互相涉入。得無罣礙。名無

此即本始二覺為
迴向義
此即真如隨編為
回向義
如來名正世界為
依兩相涉入故得
無礙

加行以尋思為躰
印持為性依四尋
思故為四加
依明得定名之為
煖
尋思之極叢上上
品善根名之為頂
依印順定決定印
持主為忍位
世第一法者此法
是有漏故名世
此法是最勝故名
第一
總攝功德為勝依
持故令得長生故
名為地

盡功德藏迴向。於同佛地。地中各各生清淨因。
依因發揮。取涅槃道。名隨順平等善根迴向。真
根既成。十方衆生。皆我本性。性圓成就。不失衆
生。名隨順等觀一切衆生迴向。即一切法離一
切相。唯即與離二無所著。名真如相迴向。真得
所如。十方無礙。名無縛解脫迴向。性德圓成。法
界量滅。名法界無量迴向。

阿難。是善男子。盡是清淨四十一心。次成四種

妙圓加行。即以佛覺用為已心。若出未出。猶如
鑽火。欲然其木。名為煖地。又以已心成佛所履。
若依非依。如登高山。身入虛空。下有微礙。名為
頂地。心佛二同。善得中道。如忍事人。非懷非出。
名為忍地。數量銷滅。迷覺中道。二無所目。名世
第一地。

阿難。是善男子。於大菩提。善得通達。覺通如來。
盡佛境界。名歡喜地。異性入同。同性亦滅。名離

成就勝定大法
持能發無邊大慧
光故前地明生此
地覺滿發慧光也

印法雲菩薩與送
流如來於此位中
兩覺相際其體平
等名曰等覺

妙覺即大覺位謂
等覺菩薩以斷惑
力離惡證智獲大
法身名曰妙覺

自初發信至于登
地皆修習之事故
名修習以結修習
之因次後乃十地
之果無復修習矣

上名証果分此名
結經分正宗未終
而透結經者由初
示密因次開修証

垢地淨極明生名發光地明極覺滿名發慧地
一切同異所不能至名難勝地無為真如性淨
明露名現前地盡真如際名遠行地一真如心
名不動地發真如用名善慧地阿難是諸菩薩
從此已往修習畢功功德圓滿亦目此地名修
習位慈陰妙雲覆涅槃海名法雲地
如來逆流如是菩薩順行而至覺際入交名為
等覺阿難從乾慧心至等覺已覺始獲金剛

心中初乾慧地如是重重單複十二方盡妙覺
成無上道是種種地皆以金剛觀察如幻十種
深喻奢摩他中用諸如來毘婆舍那清淨修證
漸次深入阿難如是皆以三增進故善能成就
五十五位真菩提路作是觀者名為正觀若他
觀者名為邪觀

爾時文殊師利法王子在大眾中即從座起頂
禮佛足而白佛言當何名是經我及眾生云何

而率乎極果則經
之正範畢矣結經
後雖屬正宗而名
助道分故于後別
列乃正助之辨也

奉持佛告文殊師利。是經名大佛頂悉怛多般
怛羅無上寶印。十方如來清淨海眼。亦名救護
親因。度脫阿難。及此會中性比丘尼。得菩提心。
入徧知海。亦名如來密因。修證了義。亦名大方
廣妙蓮華王。十方佛母陀羅尼呪。亦名灌頂章
句。諸菩薩萬行首楞嚴。汝當奉持。

說是語已。卽時阿難及諸大眾。得蒙如來開示
密印般怛羅義。兼聞此經了義名目。頓悟禪那。

此下為助道分自
此至卽時如來將
羅法座以前別明
諸趣戒備失錯也
以後詳辨魔境深
防邪誤

修進聖位。增上妙理。心慮虛凝。斷除三界。修心
六品微細煩惱。卽從座起。頂禮佛足。合掌恭敬
而白佛言。大威德世尊。慈音無遮。善開衆生。微
細沈惑。令我今日身心快然。得大饒益。世尊。若
此妙明真淨妙心。本來徧圓。如是乃至大地草
木。蠕動含靈。本元真如。卽是如來成佛真體。佛
體真實。云何復有地獄餓鬼畜生修羅人天等
道世尊。此道爲復本來自有。爲是衆生妄習生

起世尊。如寶蓮香比丘尼持菩薩戒。私行姪欲。妄言行姪。非殺非偷。無有業報。發是語已。先於女根生大猛火。後於節節猛火燒然。墮無間獄。琉璃大王。善星比丘。琉璃為誅瞿曇族姓。善星妄說一切法空。生身陷入阿鼻地獄。此諸地獄。為有定處。為復自然。彼彼發業。各各私受。惟垂大慈。開發童蒙。令諸一切持戒衆生。聞決定義。歡喜頂戴。謹潔無犯。

衆生由情續生故
稱有情而愛為情
感之本故稱今內
內分屬妄情情為
愛圓下而不揚

佛告阿難。快哉此問。令諸衆生不入邪見。汝今諦聽。當為汝說。阿難。一切衆生。實本真淨。因彼妄見。有妄習生。因此分開。內分。外分。阿難。內分。即是衆生分內。因諸愛染。發起妄情。情積不休。能生愛水。是故衆生。心憶珍羞。口中水出。心憶前人。或憐或恨。目中淚盈。貪求財寶。心發愛涎。舉體光潤。心著行姪。男女二根。自然流液。阿難。諸愛雖別。流結是同。潤濕不升。自然從墜。此名

人天想心名為外
分。非出世三乘之
智也。
外分屬妄想。想起
情圓上而不沈。

內分。

阿難。外分。即是衆生分外。因諸渴仰。發明虛想。
想積不休。能生勝氣。是故衆生心持禁戒。舉身
輕清。心持呪印。顧盼雄毅。心欲生天。夢想飛舉。
心存佛國。聖境冥現。事善知識。自輕身命。阿難。
諸想雖別。輕舉是同。飛動不沈。自然超越。此名
外分。

阿難。一切世間生死相續。生從順習。死從變流。

福慧之想則能見
佛

兼情之想則能飛
升

持戒護法出世淨
想則能親往如來
座下

臨命終時。未捨煖觸。一生善惡俱時頓現。死逆

生順。二習相交。純想即飛。必生天上。若飛心中。

兼福兼慧。及與淨願。自然心開。見十方佛。一切

淨土。隨願往生。情少想多。輕舉非遠。即為飛仙。

大力鬼王。飛行夜叉。地行羅刹。遊於四天。所去

無礙。其中若有善願善心。護持我法。或護禁戒。

隨持戒人。或護神呪。隨持呪者。或護禪定。保綏

法忍。是等親住如來座下。情想均等。不飛不墜。

生於人間。想明斯聰。情幽斯鈍。情多想少。流入橫生。重為毛羣。輕為羽族。七情三想。沈下水輪。生於火際。受氣猛火。身為餓鬼。常被焚燒。水能害已。無食無飲。經百千劫。九情一想。下洞火輪。身入風火二交。過地。輕生有間。重生無間。二種地獄。純情。即沈入阿鼻獄。若沈。心中有謗大乘。毀佛禁戒。誑妄說法。虛貪信施。濫膺恭敬。五逆十重。更生十方阿鼻地獄。循造惡業。雖則自招。

習謂歷劫習氣乃
衆生之妄業有情
有想

夫氣有出入有吸
無呼如人知貪而
不知予者吸則易
生寒相

衆同分中。兼有元地阿難。此等皆是彼諸衆生。自業所感。造十習因。受六交報。云何十因阿難。一者姪習交接。發於相磨。研磨不休。如是故有大猛火光。於中發動。如人以手自相摩觸。煖相現前。二習相然。故有鐵牀銅柱諸事。是故十方一切如來色目行姪。同名欲火。菩薩見欲。如避火坑。二者貪習交計。發於相吸。吸攬不止。如是故有積寒堅冰。於中凍冽。如人

水平則不流馳流
不息故積而成波
不平甚矣故我慢
者似之

以口吸縮風氣。有冷觸生。二習相陵。故有吒吒
波波羅羅。青赤白蓮寒冰等事。是故十方一切
如來。色目多求。同名貪水。菩薩見貪。如避瘴海。
三者慢習交陵。發於相恃。馳流不息。如是故有
騰逸奔波。積波爲水。如人口舌自相綿味。因而
水發。二習相鼓。故有血河灰河。熱沙毒海。融銅
灌吞諸事。是故十方一切如來。色目我慢。名飲
癡水。菩薩見慢。如避巨溺。四者瞋習交衝。發於

相忤。忤結不息。心熱發火。鑄氣爲金。如是故有
刀山鐵橛。劔樹劔輪。斧鉞鎗鋸。如人銜冤。殺氣
飛動。二習相擊。故有官割斬斫。剉刺槌擊諸事。
是故十方一切如來。色目瞋恚。名利刀劔。菩薩
見瞋。如避誅戮。五者詐習交誘。發於相調。引起
不住。如是故有繩木絞校。如水浸田。草木生長。
二習相延。故有杻械枷鎖。鞭杖撻棒諸事。是故
十方一切如來。色目姦僞。同名讒賊。菩薩見詐。

如畏豺狼。六者誑。習交欺。發於相罔。誣妄不止。飛心造姦。如是故有塵土屎尿。穢汗不淨。如塵隨風。各無所見。二習相加。故有沒溺騰擲。飛墜漂淪諸事。是故十方一切如來。色目欺誑。同名劫殺。菩薩見誑。如踐蛇虺。七者怨。習交嫌。發於銜恨。如是故有飛石投礮。匣貯車檻。甕盛囊撲。如陰毒人。懷抱畜惡。二習相吞。故有投擲擒捉。擊射拋撮諸事。是故十方一切如來。色目怨家。

名違害鬼。菩薩見怨。如飲鴆酒。八者見。習交明。如薩迦耶。見戒禁取邪悟諸業。發於違拒。出生相反。如是故有王使主吏。證執文籍。如行路人。來往相見。二習相交。故有勘問權詐。考訊推鞫。察訪披究。照明善惡。童子手執文簿。辭辯諸事。是故十方一切如來。色目惡見。同名見坑。菩薩見諸虛妄。徧執。如入毒壑。九者枉。習交加。發於誣謗。如是故有合山合石。碾磴耕磨。如讒賊人。

通枉良善。二習相排。故有押捺槌按。蹙漉衡度。諸事。是故十方一切如來。色目怨謗。同名讒虎。菩薩見枉。如遭霹靂。十者訟習交誼。發於藏覆。如是故有鑒見照燭。如於日中。不能藏影。二習相陳。故有惡友。業鏡火珠。披露宿業。對驗諸事。是故十方一切如來。色目覆藏。同名陰賊。菩薩觀覆。如戴高山。履於巨海。云何六報阿難。一切衆生。六識造業。所招惡報。

六根所造由于因
中互相緣助故感
果時亦于六根中
交相受報

從六根出。云何惡報從六根出。一者見報。招引惡果。此見業交。則臨終時。先見猛火。滿十方界。亡者神識。飛墜乘煙。入無間獄。發明二相。一者明見。則能徧見種種惡物。生無量畏。二者暗見。寂然不見。生無量恐。如是見火。燒聽。能為鑊湯。洋銅。燒息。能為黑煙紫焰。燒味。能為焦丸鐵糜。燒觸。能為熱灰鑪炭。燒心。能生星火迸灑。煽鼓空界。二者聞報。招引惡果。此聞業交。則臨終時。

一切物理皆因五行乘陰陽以變化故隨根轉變之事因之

先見波濤。沒溺天地。亡者神識。降注乘流。入無間獄。發明二相。一者開聽。聽種種鬧。精神愁亂。二者閉聽。寂無所聞。幽魄沈沒。如是聞波。注聞則能為責。為詰。注見則能為雷。為吼。為惡毒氣。注息則能為雨。為霧。灑諸毒蟲。周滿身體。注味則能為膿。為血。種種雜穢。注觸則能為畜。為鬼。為糞。為尿。注意則能為電。為雹。摧碎心魄。三者。齶報。招引惡果。此齶業交。則臨終時。先見毒氣。

充塞遠近。亡者神識。從地踊出。入無間獄。發明二相。一者通聞。被諸惡氣。熏極心擾。二者塞聞。氣掩不通。悶絕於地。如是齶氣。衝息則能為質。為履。衝見則能為火。為炬。衝聽則能為沒。為溺。為洋。為沸。衝味則能為餒。為爽。衝觸則能為綻。為爛。為大肉山。有百千眼。無量呌食。衝思則能為灰。為瘴。為飛砂。擊碎身體。四者味報。招引惡果。此味業交。則臨終時。先見鐵網。猛燄熾烈。

周覆世界。亡者神識。下透掛網。倒懸其頭。入無
間獄。發明二相。一者吸氣。結成寒冰。凍裂身肉。
二者吐氣。飛為猛火。焦爛骨髓。如是嘗味。歷嘗。
則能為承。為忍。歷見。則能為然。金石。歷聽。則能
為利。兵刃。歷息。則能為大鐵籠。彌覆國土。歷觸。
則能為弓。為箭。為弩。為射。歷思。則能為飛。熱鐵。
從空雨下。五者觸報。招引惡果。此觸業交。則臨
終時。先見大山。四面來合。無復出路。亡者神識。

見大鐵城。火蛇。火狗。虎狼。師子。牛頭。獄卒。馬頭。
羅刹。手執鎗稍。驅入城門。向無間獄。發明二相。
一者合觸。合山逼體。骨肉血潰。二者離觸。刀劍
觸身。心肝屠裂。如是合觸。歷觸。則能為道。為觀。
為廳。為案。歷見。則能為燒。為蕪。歷聽。則能為撞。
為擊。為刺。為射。歷息。則能為括。為袋。為考。為縛。
歷嘗。則能為耕。為鉗。為斬。為截。歷思。則能為墜。
為飛。為煎。為火。六者思報。招引惡果。此思業交。

只此六根菩薩以
證圓通衆生以受
業報正如垂手顛
倒首尾旋換耳

則臨終時先見惡風吹壞國土亡者神識被吹
上空旋落乘風墮無間獄發明二相一者不覺
迷極則荒奔走不息二者不迷覺知則苦無量
煎燒痛深難忍如是邪思結思則能爲方爲所
結見則能爲鑿爲證結聽則能爲大合石爲冰
爲霜爲土爲霧結息則能爲大火車火船火檻
結嘗則能爲大叫喚爲悔爲泣結觸則能爲大
爲小爲一日中萬生萬死爲偃爲仰阿難是名

十因俱起爲圓造
由他所起爲兼境
由身所起爲兼根

地獄十因六果皆是衆生迷妄所造若諸衆生
惡業同造入阿鼻獄受無量苦經無量劫六根
各造及彼所作兼境兼根是人則入八無間獄
身口意三作殺盜姪是人則入十八地獄三業
不兼中間或爲一殺一盜是人則入三十六地
獄見見一根單犯一業是人則入一百八地獄
由是衆生別作別造於世界中入同分地妄想
發生非本來有

復次阿難。是諸衆生。非破律儀。犯菩薩戒。毀佛
涅槃。諸餘雜業。歷劫燒然。後還罪畢。受諸鬼形。
若於本因。貪物爲罪。是人罪畢。遇物成形。名爲
恠鬼。貪色爲罪。是人罪畢。遇風成形。名爲魃鬼。
貪惑爲罪。是人罪畢。遇畜成形。名爲魅鬼。貪恨
爲罪。是人罪畢。遇蟲成形。名爲毒鬼。貪憶爲罪。
是人罪畢。遇衰成形。名爲厲鬼。貪傲爲罪。是人
罪畢。遇氣成形。名爲餓鬼。貪罔爲罪。是人罪畢。

遇幽爲形。名爲魘鬼。貪明爲罪。是人罪畢。遇精
爲形。名爲魍魎鬼。貪成爲罪。是人罪畢。遇明爲形。
名役使鬼。貪黨爲罪。是人罪畢。遇人爲形。名傳
送鬼。阿難。是人皆以純情墜落。業火燒乾。上出
爲鬼。此等皆是自妄想業之所招引。若悟菩提。
則妙圓明。本無所有。

復次阿難。鬼業旣盡。則情與想。二俱成空。方於
世間與元負人。怨對相值。身爲畜生。酬其宿債。

物怪之鬼。物消報盡。生於世間。多於梟類。風魃之鬼。風消報盡。生於世間。多爲咎徵。一切異類。畜魅之鬼。畜死報盡。生於世間。多爲狐類。蟲蠱之鬼。蠱滅報盡。生於世間。多爲毒類。衰厲之鬼。衰窮報盡。生於世間。多爲蛔類。受氣之鬼。氣銷報盡。生於世間。多爲食類。綿幽之鬼。幽銷報盡。生於世間。多爲服類。和精之鬼。和銷報盡。生於世間。多爲應類。明靈之鬼。明滅報盡。生於世間。

多爲休徵。一切諸類。依人之鬼。人亡報盡。生於世間。多爲循類。阿難。是等皆以業火乾枯。酬其宿債。傍爲畜生。此等亦皆自虛妄業之所招引。若悟菩提。則此妄緣本無所有。如汝所言寶蓮香等。及琉璃王。善星比丘。如是惡業。本自發明。非從天降。亦非地出。亦非人與。自妄所招。還自來受。菩提心中。皆爲浮虛。妄想凝結。復次阿難。從是畜生。酬償先債。若彼酬者。分越

所酬。此等衆生。還復爲人。反徵其剩。如彼有力。兼有福德。則於人中。不捨人身。酬還彼力。若無福者。還爲畜生。償彼餘直。阿難。當知若用錢物。或役其力。償足自停。如於中間。殺彼身命。或食其肉。如是乃至。經微塵劫。相食相誅。猶如轉輪。互爲高下。無有休息。除奢摩他。及佛出世。不可停寢。汝今應知。彼梟倫者。酬足復形。生人道中。參合頑類。彼咎徵者。酬足復形。生人道中。參合

愚類。彼狐倫者。酬足復形。生人道中。參於很類。彼毒倫者。酬足復形。生人道中。參合庸類。彼蛔倫者。酬足復形。生人道中。參合微類。彼食倫者。酬足復形。生人道中。參合柔類。彼服倫者。酬足復形。生人道中。參合勞類。彼應倫者。酬足復形。生人道中。參於文類。彼休徵者。酬足復形。生人道中。參於明類。彼諸循倫。酬足復形。生人道中。參於達類。阿難。是等皆以宿債畢酬。復形人道。

絕世離俗熊經鳥
呻是為別修

皆無始來。業計顛倒。相生相殺。不遇如來。不聞
正法。於塵勞中。法爾輪轉。此輩名為可憐愍者。
阿難。復有從人。不依正覺。修三摩地。別修妄念。
存想固形。遊於山林。人不及處。有十種仙。阿難。
彼諸衆生。堅固服餌。而不休息。食道圓成。名地
行仙。堅固草木。而不休息。藥道圓成。名飛行仙。
堅固金石。而不休息。化道圓成。名遊行仙。堅固
動止。而不休息。氣精圓成。名空行仙。堅固津液。

津液內潤。綽約彼
潔。是名天行。吸取
精粹。引生光色。是
名通行。

明鍊精思念心獨
照曰照行。

次離水火自相交
邁此修煉之士也。

而不休息。潤德圓成。名天行仙。堅固精色。而不
休息。吸粹圓成。名通行仙。堅固呪禁。而不休息。
術法圓成。名道行仙。堅固思念。而不休息。思憶
圓成。名照行仙。堅固交邁。而不休息。感應圓成。
名精行仙。堅固變化。而不休息。覺悟圓成。名絕
行仙。阿難。是等皆於人中鍊心。不修正覺。別得
生理。壽千萬歲。休止深山。或大海島。絕於人境。
斯亦輪迴妄想流轉。不修三昧。報盡還來。散入

受欲為輪迴根本
前明淪墜亦始于此

此明超騰亦始于此
比意使初心未能
成就禪定知慧且
疾斷根本則輪迴
可出也

初利所謂三十三
天帝釋統之

諸趣。

阿難。諸世間人。不求常住。未能捨諸妻妾恩愛。
於邪淫中。心不流逸。澄瑩生明。命終之後。鄰於
日月。如是一類。名四天王天。於已妻房。淫愛微
薄。於淨居時。不得全味。命終之後。超日月明。居
人間頂。如是一類。名忉利天。逢欲暫交。去無思
憶。於人間世。動少靜多。命終之後。於虛空中。朗
然安住。日月光明。上照不及。是諸人等。自有光

兼修禪定。處住細
住。所謂兜率天業
也。

前雖無心。猶應境
事。此既超越。故暫
同世間。

明。如是一類。名須燄摩天。一切時靜。有應觸來。
未能違戾。命終之後。上升精微。不接下界。諸人
天境。乃至劫壞。三災不及。如是一類。名兜率陀
天。我無欲心。應汝行事。於橫陳時。味如嚼蠟。命
終之後。生越化地。如是一類。名樂變化天。無世
間心。同世行事。於行事交。了然超越。命終之後。
徧能出超。化無化境。如是一類。名他化自在天。
阿難。如是六天。形雖出動。心迹尚交。自此已還。

名為欲界。

大佛頂如來密因修證了義諸菩薩萬行首楞

嚴經卷第八終

第八卷音義

胤

孕音

啖

淡音

複

福音

綏

雖音

忤

悞音

槌

椎音

柶

細音

鉞

月音

剉

挫音

瑩

榮音

碾

轉音

磴

該音

豺

柴音

虺

毀音

槌

戈音

礮

歷音

撫

鹿音

煽

扇音

愁

茂音

呬

雜音

稍

朔音

剗

制音

魃

跋音

魍

罔音

魍

兩音

忉

刀音

醜

艷音

魘

演音

嚴經卷八 音義

二十一



应为

P24



